

**HYSBYSIAD I'R CYHOEDD**  
**CYNGOR SIR PENFRO**  
**CYFLWYNO CROESFAN I GERDDWYR A**  
**GWAREDU DARPARIAETH PARCIO – A478, CRYMYCH**

---

Rhoddir **HYSBYSIAD** drwy hyn bod Cyngor Sir Penfro, wrth arfer ei bwerau o dan Adran 23, ac Adrannau 1, 2, 4, 32, 35, 45, 46, 49, 53, 101, 102 a 124, a Rhan IV o Atodlen 9 o Ddeddf Rheoleiddio Traffig Ffyrdd 1984, yn bwriadu cyflwyno croesfan i gerddwyr a reolir gan signalau ar brif stryd Crymych a gwaredu rhan fach o'r parcio ar y stryd.

Mae'r cynigion yn cael eu hyrwyddo fel rhan o gynllun diogelwch ar y ffyrdd sy'n galluogi cerddwyr i groesi'r A478 trwy groesfan ffurfiol.

Mae'n cynnig y canlynol: -

- (a) Cyflwynid croesfan i gerddwyr a reolir gan signalau ar brif stryd Crymych (yr A478), gyda'r canol wedi'i leoli 16 metr i'r de o Ffordd yr Orsaf. Byddai'r groesfan wedi'i hategu gan farciau igam-ogam cysylltiedig, lle gwaherddid cerbydau rhag stopio ar bob adeg, a fyddai'n cael eu gosod ar y naill ochr a'r llall i'r groesfan, gan estyn 24 metr i'r gogledd ac 16 metr i'r de.
- (b) Byddai'r ddarpariaeth parcio gyfredol (man aros â therfyn o awr) yn y rhan hon o'r heol yn cael ei gwaredu y tu allan i'r optegydd ac eiddo cyfagos am bellter o 11 metr i'r gogledd (lle am ddau gerbyd), gan felly leihau'r man sydd ar gael i barcio i hyd o 30 metr.

Gellir astudio cynllun sy'n dangos lleoliad y groesfan ar-lein yn

<https://www.sir-benfro.gov.uk/rheoleiddio-traffig-ffyrdd>

Os hoffech wrthwynebu'r cynnig, dylech anfon y rhesymau dros eich gwrthwynebiad drwy cwblhau'r ffurflen adborth ar-lein neu yn ysgrifenedig i'r islofnodedig erbyn 10fed diwrnod o Chwefror 2021. Dyfynnwch: CRYMYCH-P/C

Dyddiedig 20fed Ionawr 2021

**Darren Thomas**  
**Pennaeth Seilwaith**  
**Cyngor Sir Penfro**  
**Neuadd y Sir, Hwlfordd**

